

TOTIHITAWĒ THAMOTIMA THĒ Ā

PREÁMBULO

Enaha thĕ puhī tao kuaai, wā rĕamai thĕ, peheti he usukuwĕ thĕ, wā topiao thĕ kāi, hei thĕ pĕ nohi taemopou piyĕkou, ĭhĭ thĕ pĕ nohi ĭhĭpimopouha totihitawĕ thamotima thĕ hami he usukuwĕ thĕ pĕ nohi taeayou totihitaopĕ,

Enaha thĕ puhī tao kuaai, totihitawĕ thamotima thĕni thĕ taimi ha, thĕ pĕ kāi shomiaprai ha, hei wārĭtiwĕ thamotima thĕ kipi thaprarema. Komi pĕmaki rĕ kui pĕmaki kiriihou mai, pĕmaki kāi no preaai mai pĕmaki pĕrihou piyĕkopĕ, pĕmaki ā topiao pĕ, pĕhetiapramotima thĕ pĕ hami.

Enaha thĕ puhī tao kuaai, totihitawĕ thamotima thĕ rĕ wā nosie huamotima thĕni thĕ nohi thapopĕ, komi urihitheri thĕ pĕ no yuayou maōpĕ,

Enaha thĕ puhī tao kuaai, thĕ pĕ pĕrihiwĕ rĕ piyĕkĕi thĕ pĕ puhī taamayōpĕ thĕ pĕ rĭmimayōpĕ,

Enaha thĕ puhī tao kuaai, komi urihitheri ONU thĕ ha thĕ pĕhetiapraihe, totihithawĕ thamotima thĕ hami, suwĕ wāro pei pĕmaki no rĕ kui thĕ pĕ no ā hĕ usukuwĕ, kama pĕni thĕ ā wawemaremahĕ thĕ pĕ puhī rĕ taamaĭwĕĭ,

Enaha thĕ puhī tao kuaai, komi urihitheri pĕ rĕ kui ONU thĕ iha thĕ pĕ ā wawĕtokema totihitawĕ thĕ ā nosi riā ha poheni,

Enaha thĕ puhī tao kuaai, thĕ pĕ ā rĕ wawĕtokenowĕĭ thĕ pĕni thĕ ā hĭriapehe thĕ ā nosi kāi popehe

ĭhĭ thĕ no ā ha TOTIHITAWĒ THAMOTIMA THĒ Ā wĕyĕi piyĕkouhe.

Hetipĕtĕwĕ 1

Kōmi thĕ pĕ rĕ pĕriprawĕ rĕ piyĕkĕi, he usukuwĕ thĕ pĕ keprou ai thĕ ā rĕamaihā no ā heparohowĕ, totihitawĕ thĕ pĕ riā rĕ thaiwehei hami, thĕ pĕ puhī tao kāi pĕrihiwĕha, thĕ pĕ puhī kāi katehewĕha hawĕ kama thĕ pĕ mashi shĭro pĕrihimopĕ.

Hetipĕtĕwĕ 2

Kōmi thĕ pĕ ihami totihitawĕ thamotima thĕ kuprawĕ , thĕ ā rĕ maiha thĕ pĕ pĕriprawĕ, wā katehano thĕni thĕ wāhā no wayoano, suwĕ, wāro, pei kahi, thĕ pĕ rĕ reahumouwĕĭ, napĕ thĕ ā, no matohipi, no preaarewĕ, thĕ pĕ rĕ kepronowĕĭ hami, ai thĕ pĕ sho, shomi urihitheri himayōumahĕĭ.

Kōmi thĕ pĕ ihami totihitawĕ thamotima thĕ kuprawĕ , thĕ ā rĕ maiha thĕ pĕ pĕriprawĕ, ma kui ai thĕ pĕni thĕ pĕ urihipi rĕpoumakuhei thĕ pĕ riā pĕrio topiao he yatio.

Hetipĕtĕwĕ 3

Yāmi kōmi thĕ pĕ ihami totihitawĕ thamotima thĕ kuprawĕ thĕ pĕ rĕ pĕriaiwei thĕ pĕ kuprawĕ, ai thĕ ā rĕamai, peheti thĕ pĕ rĕ pĕriaiwei.

Hetipĕtĕwĕ 4

Ai thĕ pĕ iha horemou wamaki no ohotamopi mai, horemou ohotamomamotima thĕ thamai puhioni he parohowĕ.

Hetipĕtĕwĕ 5

Thĕ pĕ shĕmou taomi, thĕ pĕ wāhā kāi wārĭhĭthomamou taomi, thĕ pĕ shĕmou wārĭtiaī taomi.

Hetipĕtĕwĕ 6

Thĕ pĕ pĕriprawĕ rĕ piyĕkĕi thĕ pĕ ihami totihitawĕ thamotima thĕ kuprawĕ, thĕ pĕ nohi riā hatukĕmopou piyĕkou.

Hetipĕtĕwĕ 7

Wā nosie huamotima a hami, komi hititiwĕ thĕ pĕ he usukuwĕ, thĕ pĕ nohi kāi thapou piyĕkou. Hei wā katehano thĕ rĕ kui thĕni, hititiwĕ wā nosie huamatima ani wārĭhĭtho thamotima thĕ hami, thĕ pĕ he komi rupou piyĕkou; wārĭhĭto thamotima thĕ hami thĕ pĕ no yuo maōpĕ.

Hetipĕtĕwĕ 8

Komi hititiwĕ thĕ pĕ rĕ kui, thĕ pĕ payeriopĕ nohi thaporewĕ pata pĕni, pĕ nohi rĕ hatukĕawei kama urihithĕri thĕ pĕni , totihitawĕ thamotima thĕ wārĭhĭtho thai maōpehe.

Hetipētēwē 9

Enaha pētawē thē pē huēamou taomi, thē pē kǎi ōkamopou taomi ai thē urihi hami thē pē shimamou ayao taomi.

Hetipētēwē 10

Komi hititiwē thē pē ihami, totihitawē thamotima thē kuprawē, thē pē he pruka usukuwē, nohi thaporewē pata pē mithari hami, thē a riǎ hai thē a riǎ ha hīriǎmoni thē rē thanowēi thē hami thē wǎhǎ no wēyēihe tēhē, thē no ǎ he riǎ ha ruoni.

Hetipētēwē 11

Hititiwē thē pē rē kui thē pēni ai thē ma thamonomai thē pē wǎhǎno wēyēihe tēhē thē pehetiapai haia maheīha thē shurukuamou haio taomi. Nohi thaporewē pata pēni thē pehetiapai haia maheīha pē noa napēmou taomi.

Thē pē wǎhǎno wēyēyono ma mai, thē pē wǎhǎno wēyēyou, enaha thē thamou taomi. Hapa hote wārītīwē thē ani hei tēhē thē wārītīwē he parohowē thē thamou taomi.

Hetipētēwē 12

Ai thē puhi pētouha ayaroni , thē pē yahipi hami, thē he haprou ayou taomi, therihē pē ihami kǎi, ōniōni a shimaihe tēhē thē kǎi mii pario ayao taomihe, komi thē pē mithari ha wa thē wǎhǎno wēyēi ayao taomi. Īhī thē pē hami totihitawē thamotima thē rē kui wǎ nosie huamotima thēni thē pē nohi thapou piyēkou.

Hetipētēwē 13

Hititiwē thē pē ihami totihitawē thamotima thē kuprawē, ai thē ǎ rēamaihǎ thē pē riǎ huu piyēkou, wa thē nohi rē pēripouwei thē urihi ha thē pē kǎi riǎ shaponomou.

Hititiwē thē pē ihami totitihitawē thamotima thē kuprawē Īhī thē no āhǎ thē pē rē pērihiwē rē piyēkēi thē pē urihipi hami, thē pē kǎi riǎ huu, thē pē urihipi nohi kǎi rē pēriprai, thē pē urihipi nohi kǎi riǎ kōō mi yapao.

Hetipētēwē 14

Ai thē yapēkamahe tēhē, kōmi hititiwē thē pē ihami totihitawē thamotima thē kuprawē thē pē rē hithēpraamawēi a urihi ha, Īhī ǎ hǎ thē pē ǎ riǎ topiao, shomi thē pē urihipi hami kǎi.

Hei a hami totihitawē thamotima thē rē kui thē wǎhǎ pomou taomi thē kǎi puhipramou taomi, wǎ nosie huamotima nohi thaporewē pēni thē pē huēmamaihē tēhē peheti kōmi yapēkamotima thē pē hami pei thē hapa rē hupētarenowēheī thē pēni kǎi.

Hetipētēwē 15

Hititiwē thē pē ihami totitihitawē thamotima thē kuprawē, kama urihi theri thē pē wǎhǎ hirou katitou.

Thē puhi pētouha ayaroni kama urihitheri thē rē kui thē mapramai ayao taomi, totihitawē thamotima thēni hawē kama e thē wǎhǎ riǎ hiroprou kuo.

Hetipētēwē 16

Wārō, suwē pē sho, kama huya thē pē riǎ rē toayouwei hami totihitawē thamotima thē kuprawē ai thē ǎ rēo taomi. Ai thē ǎ rēamaihǎ suwē , wārō pē sho thē pē riǎ toayou, kama theri thē pē wǎhǎ hirou, reahumotima kama urihithēri, Īhī thē pēni totihitawē thamotima thē hami thē pē ǎ rēo taomi, kama thē pē mashi riǎ kuprou. Shoati totihitawē thamotima thē ha thē pē ǎ riǎ topiao, thē pē toayou pario tēhē, thē pē ǎ topiao rē kuonowēi naha, thē ǎ riǎ topiao kuo shoao.

Kama kēkipi rē puhyouwei, peheti kēkipi riǎ toayou.

Kama thē pē mashi shīroni pē shapono praukamaihē Īhī thē no āhǎ totihitawē thamotima thē rē kui, kama urihitheri thēni thē nohi thapouhe, kama thē pē shaponopi kǎini.

Hetipētēwē 17

Hititiwē thē pē rē kui thē pē matohipi riǎ kuo, totihitawē thamotima thē ha, thē pē rē perihii hami kama thē pē urihipi riǎ rii kuomopotayou.

Pei thē puhi pētouha ayaroni thē pē matohipi riǎ rēmaimihe thē pē rē perihii hami urihi ǎ kǎi rēmai taomihe.

Hetipētēwē 18

Hititiwë thë pë rë kui ai thë ã rëamaihã totihitawë thamotima thë ha thë pë puhi tao kãi riã përio, reahumotima thë hami, thë pë puhi katehewëha; totihitawë thamotima thë ha thë ã kãi koyokoa reahumotima wa thë riã rë hemihipraiwei, ai thë ã rëamaihã thë riã owëmamou komi thë pë mithari ha thë kãi riã owëmaihe, thë pë hirayou tëhë, thë pë owëmayöü tëhë, peheti thë ã huamou sharirou ha.

Hetipëtëwë 19

Ai thë ã rëamaihã hititiwë thë pë rë kui yãmi thë pë puhi riã piyëkou, thë wãhãno riã rë wayoaiwehei; ïhã thë ã kãi koyokoa thë ã hai tëhë thë ã nohi wãrimopou taomi, ma kui yaniki thë riã wãrimou kuaahërii, thë ã riã opisi tëamou kuaahërii, thë ã riã wëyëmour piyëkou wãnoshimamotima thë pë hami.

Hetipëtëwë 20

Hititiwë thë pë ihami totihitawë thamotima thë kuprawë ai thë ã rëamaihã thë pë ã riã wayou kãi yototai thë pë riã rë thaiwehei thë pë wãhãno wayoaihe ha.

Ai thëni yototamotima thë hami thë shimai ayao taomi.

Hetipëtëwë 21

Hititiwë thë pë ihami totihitawë thamotima thë kuprawë patamorëwë thë pë rë kui thë pë ã wayou kãi riã roaai narëö kama peni a pata rë thanowëhëi pë mithari ha kãi.

Hititiwë thë pë ihami totihitawë thamotima thë kuprawë kama thë pë rë përiprai hami thë ohotepi rë shatiprai, thë pë riã ohotamou toaai.

Patamorëwë thë pë rë kui, thë pë shaponopi kãi rë përiowei thë pë iha thë pë patamou. Ei thë rë kui thë pë shaponopi kãi rë përiowei thë peni thë pë wãhãno ha wayoaheni thë yaiaprai shoaohe yaiamotima thë kuo tëhë thë pë yaiamou hãthö.

Hetipëtëwë 22

Hititiwë thë pë ihami totihitawë thamotima thë kuprawë kama thë pë rë përiprai hami pata thë pëni thë pë nohi kãi hatukepopehe, ai urihitheri thë pë patani thë pë nohi kãi hatukëpopehë, thë pë puhi topramapopehe, ïhã thë nohi yaimopou thë pë puhi wetinahamou maöpë, peheti thë pë përihopë.

Hetipëtëwë 23

Hititiwë thë pë ihami totihitawë thamotima thë kuprawë, thë pë urihipi riã hupëo, ai thë ã rëamaihã thë ohotë hurimopë, thë prewë thaporaheni, pata thëni ohotamorëwë thë pë rë kui thë pë nohi pëyëpou thë pë ohotë kuo maö tëhë.

Hititiwë thë pë ihami totihitawë thamotima thë kuprawë, thë pë ohotamou he usukuwë rë kurenaha thë pë no kãi köö he usukuopë.

Hititiwë thë pë ihami totihitawë thamotima thë kuprawë he husukuwë thë pë no köö, thë pë puhi kãi owëhëo, kama pë shïro rë kui e pë puhi kãi përio mi hetuopë e thëki peheriproimiha pë kãi rë përiowëini ai e thëki he riã tikëai e thëki he usukuopë.

Hititiwë thë pë ihami totihitawë thamotima thë kuprawë, sindicato thë pë riã thayou, thë pëhe rumopopë.

Hetipëtëwë 24

Hititiwë thë pë ihami totihitawë thamotima thë kuprawë, thë pë washimi horuu yãnikio pariopë, thë pë riã huu toatarou, toprao thë pë kãi rë ohotamonowëi thë no kãi riã köãmamou thë ma yãnikia parirani.

Hetipëtëwë 25

Hititiwë thë pë ihami totihitawë thamotima thë kuprawë, thë pë riã përio toprao kama theri thë pë shïro sho, nii pë hami, yahi pë sho, thë pë kãi temio topraopë, thë pë kãi titihopë, thë pë nohi kãi rë yaimopouwei thë pë sho. Enaha hititiwë thë pë pehi totihitawë thamotima thë ha thë kua thë pë rë ohotamoumai, pë rë shawarapiwei, thë pë no rë huwëmai, thë pë he rë paharaprai, thë pë rë wãrö rë patai, thë pë suwe kãi rë patai, ai thë pë wãritiwe kãini thë pë pehetipopehe.

Suwë shipënapï thë pë rë kui, ihiru, marãnapï, suwëhëri marãnapï thë pë komi sho, totihitawë thamotima thëni, thë pë nohi thamopou topraopë. Hititiwë ihiru hïïpi kua pë rë keprouwei, pë hïïpi ma kua mai pë kãi rë keprouwei, totihitawë thamotima thë kuprawë peheti pë nohi kãi thaprawë.

Hetipētēwē26

Hititiwē thē pē ihami totihitawē thamotima thē kuprawē, thē pē kǎi hirayopē. Hiramotima thē pē rē kui, nomraiha thē pē hiramou pariopē. Hiramou pariotima thē hami thē pē ihirupi shimio he parohoopē. Hiramou pariotima thē nohā hami iha hititiwē thē pē ōnimou taaī he parohoopē; ōnimou pata thē rē kui hititiwē thē pē pehi ma kui thē pē puhī moyāwei rē thē pē pehi shīro kuopē.

Hiramotima pē hami, puhī tao thē pē kupropē ihī thē no āhā totihitawē thamotima thē pē nohi asipopehe ai thē ā rēamai thē sho; thē pē rē pēriprawē piyēkēi thē pēni, thē pē nohi kǎi rē yaipouwehei thē pē hami, thē pē no ihīpipopehe, thē pē kǎi puhipoyopē, O.N.U. thēni thē thamai rē puhiiwei thē ā riā praukamai ha piyēkoni, thē pē ā riā topramapou ha totihioni.

Pē nīī, pē hīī thē pēni e thē hiramai shi rē topraowehei e thē hiramai puhipehe.

Hetipētēwē 27

Komi hititiwē thē pē ihami totihitawē thamotima thē kuprawē, thē pē rē pērihii thē pēni thē pē rē tai rē piyēkouwehei thē pē hami ai thē ā rēamaihā, thē pē no riā taayou, thē pē a kǎi riā toprao, matohi pē rē thanowēhēī pē hami, ihī thē pē matohi ha thē pē ā riā toprarou.

Hititiwē thē pē ihami totihitawē thamotima thē kuprawē , thē pē nohi thaopē, kama thē pēni thē pē rē thaiwehei thē pē hami, thē kǎi rē ōnimaīwēhēī thē pē hami, noshiharirawē thē pē kǎi rē kopemaīwēhēī hami kǎi.

Hetipētēwē 28

Komi hititiwē thē pē ihami totihitawē thamotima thē kuprawē ai thē pēni thē ā rē thaiwehei, thē ā nosi popehe.

Hetipētēwē 29

Komi hititiwē thē pēni ohote thē huripehe kama thē pē shaponopi hami, ihī pē shapono hami toprao thē pē parahērii.

Totihitawē thamotima thē hami thē pē rē wapēohēriiwei ai thē pē ihami totihitawē thamotima thē pē kǎi kuprawē, ihī ei thēni thē nohi hatukēmapou totihitawē thamotima thē rē kui ai thē ā reamai thē sho. Mihi totihitawē thamotima thē hami peheti thē pē kuaahērii, yaiamotima thē hami thē pē rē patamou thē kuo tēhē.

Hei totihitawē thamotima thē rē kui ai thē ā kua mai thē pē sho O.N.U. thē rē kuuwei thē ā nohi wārīpou taomi.

Hetipētēwē30

Thē pē rē pērihouwei thē pēni, yototarewē pēni , ai yāmi thēni wa katehano thēni totihitawē thamotima thē wāhā no wēyēi ha ai thēni thē wāhā nohi taeai taomi, thē wāhā kǎi hemihiprai ayao taomi.